

Recuerdo tras recuerdo di Aruba di antes, aunke ya aleha pero tin biaha ainda angela,

“Ora bo ta stima bo pais bo por comete algun acto cu ta parce locura den wowo di hopi hende”, esaki tabata palabra di Juan Mario Odor, queridamente yama Mai pa su amigonan. Pero Mai tabata tin mas amigo cu tabata manera e mes den hopi aspecto.

Entre otro por menciona Julio Maduro †, Johnny Dania y Juchi Croes tabata algun di su amigonan cu tabata gusta su compania y vice versa. Como mucha ainda mi por corda con Julio Maduro ta bin cu su jeep mainta trempa, sona su pito di auto y Mario cu su señora ta subi den su

jeep y desaparece pa oranan largo. Asina e tabata tin mas amistadesnan cual nan ta bay di paseo rond Aruba en busca di cosnan di antes, placa, oro of restonan di Indian.

Cu su yiunan tambe e tabata disfruta enormemente di su biahenan di buskeda rond di Aruba, e tempo ey. E paseonan aki tabata dura full un dia, nan tabata cana na pia di cunucu pa cunucu en busca di restonan di un Aruba ya cambia. Mai y su amistadnan tabata tin temor cu pronto tur tereno riba Aruba lo ser construi y tur rastro di un bida remoto, di cualkier temporada, lo bay perdi. Mester remarca cu tempo cu Mai a cuminsa



cana y busca cos den ‘mondi’ den cuminzamento di añanan 80, ainda Aruba no tabata tin sikiera un archeologo,

antropologo of geologo. Pesey el’a invita un archeologo di exterior pa bishita Aruba y splic’e algo di su descubrimientonan.

“Hopi hende a yamami pa loco paso nan ta waak mi ta cana na pia den mondi cu un tas riba mi lomba y un palo den mi man”, Mai tabata conta ora cu e yega cas tur cansa di su paseo pero satisfecho cu el’a logra haya algun recuerdo di antes, maske ta un herment tur frustia, un boton di indian traha di calco, un casuela

antiek por haci ainda tur rond mundo den vlooienmark pero nunca por logra haya e mueble antiek usa of traha aki na Aruba mes.

Pero Mai a logra restaura, cumpra y acumula hopi obheto, mueble, herment, etc. usa aki y tur ta expone den Museo Antigüedad Aruba.

Den e museo bo por disfruta di un coleccion tras di otro, Mai su coleccion di piedra, fosiel, obhetonan di indian, tur tipo di mueble, porcelana, santo y sin lubida su coleccion di botter ta tanto interesante como impresionante.

Semper Mai tabata keda sumamente contento pa haya un botter cu ya no ta na benta mas, anto hente.

Na cierto momento, manera a pasa cu tur otro articulo menciona, botter bieu tambe a bin riba su lista di buskeda y asina awor den e museo tin warda diferente botter di marcanan: Buffalo Rock, Dixi Cola, Red Rock Cola, Kiss, Bubble Up,



dera den santo of un mueble den mal estado cu e por restaura ainda. Esakinan y hopi mas tabata forma parti di su buskeda y awor ta ser mira como un tesoro warda. Purba busca den mondi awendia y mira pa bo mes cu ya no ta keda mucho luga ni cos pa busca mas, esey kiermeen cu locual a logra haya mester keda proteha pa semper, paso pa busca cos

O-so Grape, Grapette. Pa informacion tel: 9656969

Articulo scirbi pa:
Desiree Croes
Director Fundacion Juan Mario Odor
Organisazion (NGO) cu ta cuida:

· Museo Antigüedad Aruba
· Museo Numismatico Aruba